



Republika e Kosovës
Republika Kosova - Republic of Kosovo
Qeveria – Vlada – Government


SHTOJCA 4

E PLANIT TË REAGIMIT KOMBËTAR

RJEDHA E VEPRIMEVE FILLESTARE TË
NIVELIT QENDROR TË MENAXHIMIT TË
INCIDENTEVE

Prishtinë, nëntor 2023

RRJEDHA E VEPRIMEVE FILLESTARE TË NIVELIT QENDROR TË MENAXHIMIT E INCIDENTEVE



Shpërndarja e paralajmërimeve dhe buletineve

Vëzhgimet, paralajmërimet dhe buletinet tjera emergjente lëshohen nga agjencitë e ndryshme mbi bazën e misioneve dhe autoritetit të tyre. Për shembull Instituti Kombëtar Meteorologjik lëshon njoftime të lidhura me motin për t'i paralajmëruar qytetarët për shtrëngatat dhe motin e lig të mundshëm.

QOMPB koordinon me Qendrën Operative të Policisë së Kosovës (DOPK), Qendrën Operative Emergjente të Ministrinë e Shëndetësisë (QOEMSh) dhe programet e ngjashme për analizat dhe paralajmërimet për rreziqet që kanë të bëjnë me terrorizmin dhe shpërndanë paralajmërimet dhe buletine këshilluese lidhur me rreziqet për sigurinë kombëtare. QOMPB e bënë këtë detyrë në përputhje me funksionin e saj të qëndrueshëm të monitorimit, vlerësimit, hulumtimit dhe raportimit të kërcënimeve.

QOAME në koordinim me QOMPb, ndihmon shpërndarjen e paralajmërimeve, alarmeve dhe buletineve tek komuniteti i menaxhimit emergjent duke përdorur sisteme të ndryshme të komunikimit.

Kërcënimet në rritje të identifikuar në nivelin qendror

Shkrirja e vazhdueshme e informacioneve inteligjente në nivelin qendror mund të përfundojë në zbulimin e kërcënimit të mundshëm terrorist të natyrës specifike dhe të besueshme apo të një fatkeqësie tjetër. Ndryshe nga incidentet e raportuara nga terreni, ky proces rezulton në iniciimin e veprimeve fillestare të menaxhimit emergjent në nivelin e zyrave qendrore dhe gjeneron reagimin “Lartë- Poshtë” për zbulimin, parandalimin ose reagimin ndaj kërcënimit terrorist.

QOMPb, QOPK, Drejtoria për Inteligjencë dhe Analizë e PK (DIA) dhe QOAME koordinon informacionet lidhur me kërcënimet nga fatkeqësitë natyrore, teknologjike dhe aktet e terrorizmit. Kur DIA përcakton që ekziston kërcënimi i besueshëm nëpërmjet QOPK e njofton dhe koordinon me QOMPb-në, e cila menjëherë e njofton QSKSK-në, nëse nuk është informuar ende. QOMPb pastaj njofton Ministrin e Ministrisë së Punëve të Brendshme, i cili mund të vendosë që të aktivizohet një apo të gjitha elementet organizative të PRK-së, sikurse edhe iniciimin e koordinimit të çështjeve të politikave ndër-institucionale dhe kurset e veprimit operativ Qeverinë, sipas nevojës. Ministri (në cilësinë e koordinatorit qeveritar), gjithashtu mund të vendosë të aktivizojë apo përgatisë për dislokim ekipet e ndryshme speciale për të zhvilluar aktivitete të parandalimit, gatishmërisë, reagimit dhe të rimëkëmbjes.

Aktivizimi i elementeve të PRK-së

Ky seksion shtjellon përpjekjet e fazës së hershme për aktivizimin dhe dislokimin e elementeve organizative të PRK-së dhe resurseve qendrore, përfshirë ekipet speciale, shërbimet emergjente dhe resurset tjera reaguese.

Për incidentet aktuale apo të mundshme të karakterit kombëtar, QOMPb situatën e raporton tek ministri i Ministrisë së Punëve të Brendshme dhe/apo stafi i lartë sipas udhëzimit të ministrit, i cili pastaj përcakton nevojën për aktivizimin e komponentëve të PRK-së për të zhvilluar vlerësime të mëtutjeshme të situatës, iniciimin e koordinimit ndër-institucional, shkëmbimin e informacioneve me juridiksionet e goditura dhe sektorin privat dhe/apo iniciimin e dislokimit të resurseve të caktuara. Njëkohësisht, ministri gjithashtu bënë përcaktimin se nëse një ngjarje i plotëson kriteret e caktuara për incidentin aktual apo të mundshëm të karakterit kombëtar, sipas përcaktimit në këtë plan.

Kur ministri pas konsultimit me Kabinetin Qeveritar e shpall një Incident të Karakterit Kombëtar, ministritë dhe agjencitë qendrore njoftohen nga QOMPb-së dhe mund të thirren për të plotësuar GNMI-në dhe QOAME-në. Komunitatet e goditura, gjithashtu njoftohen nga QOMPb duke përdorur protokollin përkatës operativ të sigurisë. Në gjendjen para-incidentit, njoftimi i tillë mund të bëhet në formë diskrete, mbi bazën e nevojës për të ditur, me qëllim të ruajtjes së sigurisë operative dhe sekretin e operacioneve të caktuara hetimore dhe të zbatimit të ligjit.

QOAME dhe QOER dislokojnë, përcjellin dhe sigurojnë informacione lidhur me incidente derisa të themelohet QBF-ja.

Seksioni i radhës shtjellon elementet organizative të PRK-së të cilat mund të aktivizohen dhe kryejnë veprimet e tyre fillestare.

Elementet organizative të Zyrave Qendrore

Elementet organizative të zyrave qendrore përfshijnë me sa vijon:

| Elementi | Përshkrimi |
|-------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Grupi Ndërinstitucional i Menaxhimit të Incidentit | Kur aktivizohet për një takim fillestar GNMI mund të mblidhet në Zyrat Qendrore të MPB-së. Anëtarët e GNMI apo zëvendësuesit e tyre mbesin në thirrje për tu takuar në çdo kohë gjatë periudhave të alarmeve të ngritura apo gjatë një incidentit apo mbi bazën 24/7 sipas kërkesës së situatës së dhënë. GNMI mund të caktoj zyrtar ndërlidhës për QOMPB dhe/apo QOE tjera, sipas nevojës, dhe mund të vendos komunikim me Zyrtarët Qendror të Menaxhimit Emergjent. |
| Qendra Operative e Agjencisë së Menaxhimit Emergjent | QOAME fillon operacionet ndërinstitucionale duke koordinuar aktivizimin fillestar, dislokimin e ekipeve speciale, inicimin dhe monitorimin e misioneve të ngarkuara apo kërkesat tjera ndërinstitucionale dhe QOER aktivizohen sipas nevojës dhe sipas rrethanave. QOAME nëpërmjet QOMPB-së informon agjencitë parësore për aktivizimin. Agjencitë parësore mund t'i njoftojnë agjencitë mbështetëse nëse është nevoja. |
| Qendrat Operative Qendrore | Ministrinë dhe agjencitë qendrore mund t'i aktivizojnë QOE-të e tyre për të siguruar koordinim dhe udhëzime për zyrat e tyre qendrore dhe elementet regjionale të reagimit. QOQ-të mbajnë kontakt dhe koordinim të vazhdueshëm me QOMPB-në dhe QSKSK-në. |
| Qendra Operative e Policisë së Kosovës | Me rastin e përcaktimit se kërcënimi terrorist është i besueshëm apo që një akt terrorist tanimë ka ndodhur, Zyra Qendrore e PK-së inicion lidhjen me agjencitë tjera qendrore për t'i aktivizuar qendrat e tyre operative dhe për të siguruar zyrtar ndërlidhës për QOPK-në. Zyrtari i PK-së në terren vendos prioritetet fillestare operative bazuar në rrethanat specifike të kërcënimit apo incidentit. Ky informacion pastaj bartet tek Zyra Qendrore e PK-së për të koordinuar përcaktimin dhe dislokimin e resurseve të nevojshme. QOPK do ta njoftoj QOMPB menjëherë pas konfirmimit të lidhjes së sigurt të kërcënimit apo incidentit me terrorizëm. |
| I Deleguari i Ministrit | Ministri siguron njoftimin formal për emërimin e IDM për kryetarin e komunës së goditur dhe ministrinë dhe agjencitë qendrore. QOMPB njofton QSKSK dhe QOE tjera qendrore dhe regjionale për IDM-në e emëruar. Nga QOER-të pritet që këtë informacion ta plasojnë tek strukturat regjionale dhe autoritetet lokale si dhe tek QOE tjera sipas nevojës. |

Elementet Rajonale

Elementet rajonale mund të aktivizohen për të monitoruar dhe vlerësuar nevojat për mbështetje qendrore të menaxhimit të incidentit. Koordinatorët e QOE 112 të AME-së shërbejnë si ndërlidhës i QOE lokale për ofrimin e ndihmës teknike dhe këshilla mbi procesin e shpalljes së gjendjes emergjente sipas ligjit dhe për ndihmat qendrore në dispozicion, dhe gjithashtu aktivizojnë pjesërisht apo plotësisht QOE 112 të përfshirë, sipas nevojës, përfaqësuesit rajonal të degëve të ministrive dhe agjencive qendrore.

Sektorët e Logjistikës të QOE 112 dhe QOAME ndihmojnë vendosjen e QBF-së dhe qendrave të mobilizimit. QOE 112 koordinon ndihmat qendrore të kërkesave të komunave derisa këto funksione t'i

marr përsipër QBF-ja. Për të siguruar pikë qendrore për koordinimin e aktiviteteve të informimit publik mund të themelohet QBI-ja.

Elementet Fushore

Elementet fushore përfshijnë me sa vijon:

| Elementi | Përshkrimi |
|-----------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Ekipi i Reagimit Emergjent | <p>AME fillimisht dislokon Ekipin e Reagimit Emergjent – Avancues (ERE-A) përfshirë personelin për vlerësimin e nevojave urgjente dhe përfaqësuesit përkatës të FME-ve tek mjediset operative rajonale dhe vendet e incidentit për të vlerësuar efektin goditës të situatës, për të grumbulluar informacione për dëmet, për të bërë grupimin e kërkesave për ndihma të menjëhershme qendrore dhe për të bërë aranzhimet paraprake për vendosjen e mjediseve fushore qendrore. Kur resurset rajonale tejkalohen apo kur një ngjarje paraqet pasoja të mundshme të konsiderueshme, MPB-së mund të dislokoj një ekip qendror për ta koordinuar reagimin fillestar.</p> <p>Zyrtari Kryesor Qendror/Koordinatori i Resurseve Qendrore kryeson ERE ndërinstitucional. ERE punon me komunën e goditur dhe koordinon ndihmën qendrore nga QBF-ja. ERE mund të themeloj një Mjedis të Përkohshëm Operativ (MPO) për të shërbyer si një mjedis ndërmjetësues derisa të themelohet QBF. Agjencitë qendrore dhe subjektet përkatëse sigurojnë resurse për t'i mbështetur përpjekjet e menaxhimit të incidentit sipas misionëve të ngarkuara nga MPB-ja apo sipas autoriteteve tjera të tyre.</p> |
| Ekipe tjera qendrore | <p>Varësisht nga natyra e incidentit mund të dislokohen ekipe tjera speciale në koordinim me ministritë dhe agjencitë tjera. Anekset e PRK-së përfshijnë informacionet e hollësishme lidhur me ekipet dhe resurset speciale.</p> |
| Reaguesit e parë qendror | <p>Disa agjenci qendrore kanë përgjegjësi dhe autoritet legal për të dislokuar drejtpërsëdrejti reagues të parë me rastin e njoftimit për një incident apo incident të mundshëm. Këta reagues mund të arrijnë në vendngjarje para përcaktimit se një incident është i karakterit kombëtar por, kur të shpallet si i tillë, do të veprojnë në përputhje me protokollin e vendosur në PRK.</p> |